

八瓊室金石補正

第五二册

八瓊室金石補正卷一百十一

太倉陸增祥撰

男 繼輝校錄

吳興劉承幹覆校

宋三十

贈魏王告詞敕

高一尺九寸廣二尺八寸廿行行十八字
字徑六分行書又小字三行正書在汝州

贈太師中書令兼尚書令魏王告詞

勅昔我

宣祖逮事有周元德陰功升聞

上帝篤生

聖子肇啓宋邦

藝祖

太宗撥亂反正

章聖

仁廟持

盈守成

英皇嗣之以宏遠規摹

神考成之以高

明法度商后之六七作中間闕如周家之十八王繫世

若此朕以眇末未堪多難上蒙

列聖之休猥託

地民之上代天制命其敢自私稽玉牒之相承念皇枝

之靡逮推原慶本敷錫褒章

宣祖皇帝子贈太師中書令兼尙書令秦王諡悼廷美

託體安陵分茅秦地生知忠孝躬服詩書嗟景躅之莫

追想徽猷之未泯進䟽王土大啓魏邦尙其幽窆服此

休命可特追封魏王餘如故

告贈太師中書令兼尙書令追封魏王諡悼廷

美奉

勅如右符到奉行

元符三年三月十四日下

魏王告今 本宮奉國公掌之政咏三

年五月初十日管轄添修墳園吳位趙

令□立石

開封李昌邦書 刊者党

文寶

宋史魏王廷美傳字文化本名光美太平興國初

改今名開寶六年加中書令封秦王後降爲涪陵
縣公雍熙元年卒追封涪王謚曰悼真宗卽位追
復西京留守檢校太師兼中書令河南尹秦王咸
平二年詔擇汝鄧地改葬汝州梁縣之新豐鄉仁
宗卽位贈太師尙書令徽宗卽位改封魏王据碑
則改封在哲宗元符三年史誤矣後云魏王告今
本宮秦國公掌之按熙寧二年以承亮爲秦國公
奉秦王祀卒贈樂平郡王子克愉嗣克愉卒子叔
牙嗣元符三年改今封

陽升觀碑

高九尺四寸廣五尺三十六行行七十二字字徑一寸正書額失拓在攸縣

陽升觀記

□奉大夫權荆湖南路計度轉運副使兼勸農使南陽縣開國男食邑三百戶借紫金魚袋臣程元佐撰奉議郎充江淮荆浙福建廣南路提點坑冶鑄錢司句當公事臣程暉書

朝請郎權發遣提點荆湖南路刑獄兼提舉河渠公事借紫金魚袋臣王澤題額

臣元佐伏奉

御前處分專一管句修完司空山

朱陽觀繼蒙

聖恩寵錫名額賜經加號禮盛文縟

實一時之熙事非刻之金石懼無以揚

德意之美而永萬世之傳官吏父老冠褐之衆謂臣親奉
睿旨董治真祠宜有叙述以紀本末臣不敢

辭謹按長沙屬邑攸縣之東五十里連山峻極澗谷通
流自谷口涉澗而東十數里山青水碧重巒疊嶂盤薄
回環崒然拔翠者十有二峯青煙白雲蚤暮舒卷信靈
異之境也按舊記所載自周漢以來如蘇隱者九人皆
得道於此其後南齊張_鼎相_口帝官爲司空棄官遯世
舉室遊瀟湘至蘇隱舊山欣然卜居司空有道之士也
旣山居遂性清心恬澹日誦大洞真經三十九章得其

妙育養神育氣凡三十有七年而道成梁天

監二年秋

八月既

望之夕

遂

有仙衣王冊之授至陳天嘉初其徒

章馬二士繼隱其舊居閱四年而亦有跨鶴輕舉之異

唐天寶七年雖卽其居肇建祠宇而地勢窳缺規制猥

陋繇歲

既

久棟

字摧爛

□□□谷

粗

存基構之餘政和

二年

聖上覽圖籍異其事聞其風之皆廢而晦匿於無聞乃

詔漕臣程元佐相視弊陋革而新之於是鬻度

僧之符以儲金因採山之民以市材斲蕪鑿

荒補薄增

卑踞巨

阜而臨清流飛

觀列峙脩廡環翼有名者皆有

籍有籍者皆有祠不費於公不擾於民不諉於有司而
宏敞奐麗凡一百有十楹經始於春三月至秋九月而
落成

詔易

名陽

升以賁

其寵加號冲升

以崇其

道賜大洞真經以顯其迹於是境內冠褐小大官吏與
夫都邑之民扶老攜少爭先奔走填噎山谷歡呼踴躍
瞻歎欣賀遂相與涓潔壇場設慶成之醮

稽首再拜祝

天子之壽而亦懽喜感激知

聖主所以爲民祈福之地也夫自梁天監三年司空得
道至唐天寶七年凡二百四十有六年而始建祠以興

其靈迹自唐建祠逮今又三百六十有六年而

聖主一更而新之以闡其真風夫大道之不行也久矣

豈天

將

以陰贊

聖意振揚幽側昭明大道以爲

至治之本歟臣嘗

謂

至道之精自本自根不將不迎而

真

意妙理相會於窈冥

之境及其動而接物感而遂通

則不可以理詰不可以數推

要

其歸則真與氣而已二

氣之會地於元精鍵以閉之真之全也

六精

之澤滋漑

五華抱

一歸

根氣之全也氣

固真存至道之

根寂然不

動神之全也道至於神則至矣故靜而神凝動而神

游

出入變化妙用無窮至有蹈火不熱入水不溺御風而

行此一氣之真至精至變以達於至道之妙也而世之

所謂神仙者歟

聖上恭已南面以道蒞天下以孝通神明考禮文正祀

典雖山川神祇罔不登秩簠簋珪幣罔不時飭故萬靈

受記百神儲休而諸福之物莫不畢至此皆精誠之感

所以昭格乎上下者備矣而况乎會真之都集釐之庭

受上清之符存靈應之迹而隳傲湮廢是宜

上心憫惻歟 德音下 明詔飾真館

錫嘉號以昭褒異之意而非以其神僊為可慕也蓋

以謂淳樸之行足以厚俗清靜之風足以化民□無為

之事行不言之教則道化行俗習美而其治遂至於無

欲而民自樸好靜而民自正端拱而視天民之阜矣此

上之所以尊道崇真之意其於治道不曰小補方海內

乂安蠻夷懷服休符紹至嘉瑞荐臻犴獄久虛年穀屢

稔

上於斯時又豈特尊道崇真而已哉固將稽大典講盛

儀封泰山勒嵩岳詩大澤之博遠闡休烈之□□臣卑

遠之迹尙能鼓舞田廬倚巴歛之嚴而鼓擊壤之歌以

詠

盛德

□□□况

今親被

上旨宣布

異恩頌述一時之盛而貽之無窮臣之職也謹拜手

稽首而獻頌曰

二氣合德 百真大混 氣固真全 至道之本

窈兮冥兮 其中有精 抱一不搖 妙於至神

沖清司空 棄榮離俗 恬澹虛心 溫池之曲

妙旨所得 三十九章 含德之厚 與道翱翔

朝斗霜壇 風清月白 雲步逍遙 霞衣玉冊

章馬 道嗣 羽馭騰驤 猿驚鶴怨 爐冷丹葳

妙道寢聞 眞祠肇建 禱祀響答 靈休式顯

寥寥奕世 幾六百年 摧敗堙廢 高風莫傳

睿主在宥 道貴清靜 輝耀希夷 振揚幽隱

肆命清臣 革故鼎新 琳宮華啓 碧瓦朱楹

寵賁微名 褒隆美號 奎畫雲章 崇負顯道

金鸞燦榜 玉櫝函經 物情改觀 幽谷生春

羣眞來歸 上帝俯蒞 風馬雲車 徘徊福地

枌漿桂酒 列陳瑤席 上眞欣娛 百神悅懌

儲禋薦祥 保佑我皇 天子萬年 受福無疆

旣受帝祉 施于孫子 璿圖玉牒 天地終始

九月二十八日奉

御寶批依此刊石

政和三年歲癸巳十月戊申朔二十五日壬申朝
請大夫直祕閣權發遣潭州軍州管句學事兼管
內勸農事兼荆湖南路安撫充本路兵馬鈐轄借
紫金魚袋臣張爲立石

右陽升觀碑在攸縣司空真人祠從未椎拓屢屬

攸縣廣文張季農

邵澤

募工打本至今甲戌七月

始攜此見貽真人頗著靈異邑有旱潦輒昇以入
城官吏建壇祈禱迭驗是亦有功德於民者而如
此豐碑通志僅据邑乘列目云政和二年九月不
知碑之立於三年十月也亦失於搜剔矣然幸志

有之因得尋蹤訪獲修志尤不宜屏棄耳寺觀附載此文舛謬不少而石有剝泐据以補注於旁通志据全唐文載蘇師道司空山碑系於天寶十四年十月此碑稱舊祠頽廢粗存基構之餘絕不言及古碑知蘇碑在爾時已亡無怪今茲之徧搜不得也按明一統志司空山在攸縣東四十五里南接雲陽連山峻拔左右有三十六峰舊名麒麟山亦名溫泉山南齊司空張岳棄官隱此因改今名而明史地理志云縣南有司空山南疑東字之譌陽升觀通志升作昇一統志亦作昇云在縣東四

十五里舊名朱陽觀祀南齊司空張岳荆自唐天寶間宋政和間重建易今名與碑所述悉合蘇碑敘述甚詳其略曰按梁任彥昇述異記云司空姓張名岳字伯玉清河郡人也齊明帝時仕至司空及東昏侯嗣位攜家去闕欲希長生以避世歷壽山入朱陵洞浮屠舍宇環疊左右乃歎曰身心清淨安能與世營營乎遽聞洞南有麒麟山者漢代蘇隱隱此得道駕麟車而冲天以是得名於是傾家居焉旦夕誦大洞真經三十九章梁天監二年八月全家八十餘口白日冲天陳天嘉初有丹陽